

*Библейско-богословская коллекция*  
Серия «СВЯТООТЕЧЕСКИЕ ТВОРЕНИЯ»

**Свт. Димитрий Ростовский**

**НА ПРАЗДНЕСТВО  
ПРЕСВЯТОЙ  
БОГОРОДИЦЫ  
КАЗАНСКОЙ  
(8 ИЮЛЯ)**


НЕИЗДАННОЕ СЛОВО

Странник, 1891, № 5, с. 28-34

© Сканирование и создание электронного варианта:  
издательство «Аксион эстин» ([www.axion.org.ru](http://www.axion.org.ru)), 2009




Санкт-Петербург  
*Аксион эстин*  
2009



## НЕИЗДАННОЕ СЛОВО

Святителя Димитрія митрополита Ростовскаго <sup>1)</sup>

НА ПРАЗДНЕСТВО ПРЕСВЯТЫЯ БОГОРОДИЦЫ КАЗАНСКІЯ (ЮЛЯ 8-ГО ДНЯ.



**Д**ЕНЬ ВЕСЕЛІЯ духовнаго, день радости божественныя нынѣ празднуемъ, православніи! слышателие, день въ ояже, яко солнце пресвѣтлое, пречестная икона пречистыя и щенепорочныя Богоматере въ пресловуцемъ и Христолюбивомъ градѣ Казани міру проявися и намъ православнымъ христіанамъ, яко, всякую цѣну превосходящее, сокровище даровася. Сокровище же не злата тлѣнна или сребра и каменій честныхъ: но небесныхъ дарованій неоскудное богатство, отъ него же вси, съ вѣрою и благоговѣніемъ приходящии, неоскудно по своимъ прошеніемъ воспріемлютъ подаянія <sup>2)</sup>: слѣпшіи очесамъ своимъ прозрѣніе, глушіи ушесамъ слухъ, нѣміи языку глаголаніе, хроміи ногамъ силу хожденія, безрукіи рукамъ удобство дѣланія; коимъ либо недугомъ болящии скорое и совершенное исцѣленіе пріемлютъ: бѣсншіи отъ лукавыхъ демоновъ освобожденіе, плачущіи утѣшеніе, кающіися душевныхъ недуговъ истребленіе <sup>3)</sup>, еже есть всякихъ согрѣшеній прощеніе.

<sup>1)</sup> Изъ рукописнаго сборника твореній св. Димитрія митрополита Ростовскаго. Рукопись Новгородской Софійской бібліотеки № 1283 л. 260—263.

<sup>2)</sup> Въ рук. послѣ слова „подаянія“ стоятъ еще „пріемлютъ“, лишнее въ рѣчи.

<sup>3)</sup> Въ рук. вмѣсто „истребленіе“ стоитъ „устрабленіе“, очевидно по спискѣ списчика.

Пріемлють вси тепліи молитвенницы во всякихъ нуждахъ помощь и въ бѣдахъ заступленіе; вся же сія небесныя дарованія не златомъ купуются <sup>1)</sup> и серебромъ, не за честное каменіе измѣняются, но за само теплое съ вѣрою даются моленіе. Есть бо того Божія сокровища милостивѣйшая строительница Сама пресвятая Богородица, мати всѣхъ правовѣрныхъ: яже отъ пречистыя своей крове, изъ не скверныхъ своихъ ложеснь, родила намъ есть Того, Иже пречистою си кровію искупилъ ны есть отъ законныя клятвы <sup>2)</sup> и даровалъ есть вѣчное освобожденіе, Иже образъ свой, въ насъ истлѣвшій, обновилъ, приведе ны въ первое достояніе, Иже на испѣлчїе душъ и тѣлесъ нашихъ даде намъ тѣло свое Божественное и пречистую и животворящую кровь свою, глаголя: ядый Мою плоть и пїяй Мою кровь, имать животъ вѣчный <sup>3)</sup>. О, преблагословенная Мати, родившая того Сына! О преблагословенный Сыне, отъ тоя Матере рожденный! Что мы грѣшніи и окаяніи принесемъ Вама во знамя благодарствія нашего, за неизрѣченныя бладачи Ваша? Нищія и убогіи естмы, не имамы достойнаго ваю <sup>4)</sup> дарованія, развѣ онаго архангельскаго и церковнаго цѣлованія: радуйся Благодатная: Господь съ тобою, благословена ты въ женахъ, и благословенъ плодъ чрева твоего <sup>5)</sup>, яко Спаса родила еси душъ нашихъ. Хотѣли быхомъ по достоянію вама почестъ воздати и вѣнцы соплести: но языкъ нашъ отъ хвалы Вашея побѣжденъ, нѣмъ бываетъ, умъ оскудѣваетъ и нѣсть обрѣтаемъ слово довольное къ похваленію щедротъ Вашихъ.

Епифаній святыи Кипрскій, отъ всея души желая сотворити похвалу пресвятѣй Божіей Матери, сїце восклицаетъ: что реку, что возглаголю, и коимъ образомъ проповѣмъ, Благословенный корень, хвалы? Самого бо токмо Бога изъемше, всѣхъ есть выше природою, краснѣйшая есть всѣхъ херувимовъ и серафимовъ, и всѣхъ силъ небесныхъ, юже похвалити небесный и земный языкъ недоумѣеть, азъ же, рече, скуденъ естмъ гласомъ и коскенъ языкомъ, и нимало глаголивъ, да

<sup>1)</sup> Въ рук. очевидно по ошибкѣ написано „купующая“.

<sup>2)</sup> Гал. III, 13.

<sup>3)</sup> Иоан. VI, 54.

<sup>4)</sup> Въ рук. „вама“.

<sup>5)</sup> Лук. I, 28. 42.

како слово сотворити возмогу о преславнѣй, святѣй и неискусобрачнѣй Богородицѣ Маріи, о ней-же легко глаголати не имать языкъ человѣческій! Аще толь великій учитель и свѣтильникъ церкви оскудѣ въ похвалахъ пресвятыя Богородицы, мы гдѣ слово обрящемъ и како <sup>1)</sup> уста отверсти возможемъ на ея похвалы? <sup>2)</sup> Не дерзаемъ за скудость словесе и малодушіе наше, найпаче за множество беззаконій нашихъ; обаче имѣемъ упованіе <sup>3)</sup> на матернее Ея милосердіе, зане же мать и скудная словеса чадъ си любезнѣ приѣмлетъ и преступленія удобъ презираеть: отверземъ убо уста наша на похвалу Ея, научившеса отъ вышереченнаго учителя сицеваго цѣлованія: О, дѣво чистая, святая Мати Господня, благословенная невѣсто Троицы нераздѣльные! Благословена ты въ женахъ, яже Бога и человѣка и всѣхъ Творца, яко младенца, на земли родила еси. Благословена ты въ женахъ, едина на земли Бога небеснаго зачешая! Благословена ты въ женахъ, ея же сосцами доися всяческая питаей. Святая Маріе дѣво, Богородице! Благословена ты въ женахъ, родившая Того, Иже древле созда Адама изъ персти. Ты еси Богородица, Слово изъ тебе воплощенное рождшая. Богородица еси, Бога Слово во образѣ раба зачешая. Богородица еси, яко Бога Слово приѣмши воплощенна родила еси. Богородица еси едина, единого Бога, едина Единороднаго Сына рождшая. Не временнаго Бога родила еси, изъ тебе воплощенна, но вѣчнаго, прежде всяческихъ сущаго. О, дѣво святѣйшая, ангельскія силы во удивленіе приведшая, ужасное бо есть чудо на небесѣхъ: жена облечена въ солнце; ужасное чудо на небесѣхъ: жена свѣтъ носящая въ объятіяхъ; ужасное бо чудо на небесѣхъ: жена <sup>4)</sup> другій престоль херувимскій; ужасное чудо на небесѣхъ: Сынъ рождается <sup>5)</sup> отъ жены, Иже и ея, и всѣхъ вѣковъ отецъ есть. Тако цѣловати ю словесы похвальными отъ святаго Епифанія научаемся, по достоянію ея и нашему желанію. Нѣсть подобно, аще и вси

<sup>1)</sup> Въ рук. „такъ“.

<sup>2)</sup> Въ рук. „похвалямъ“.

<sup>3)</sup> Въ рук. вмѣсто „имѣемъ упованіе“: „имѣемъ (малороссійскій оборотъ) уповающе“, послѣднее конечно по ошибкѣ.

<sup>4)</sup> Въ рук. нѣтъ этого слова, хотя оно, по ходу рѣчи, должно быть здѣсь.

<sup>5)</sup> Въ рук. стоитъ только: „Сынъ жены“, очевидно пропущено сказуемое.

образы Ветхаго Завѣта, о Ней прописанная, вспомянули быхомъ, ихъ же множеству, неравну силою сущу <sup>1)</sup>, точію единъ и другій приведемъ въ <sup>2)</sup> слово.

Что прообразова рай, имѣвый въ себѣ древо жизни? Воистину рай нашъ мысленный, пречистую Богородицу, въ Ней же бѣ древо жизни, Христось Господь. Что ковчегъ Ноевъ? Ей, Марію, Христа содержащую, Имъ же спасеся родъ нашъ отъ грѣховнаго потопа. Что купина неопалимая? Ей, дѣвство ея, рожденіемъ Бога Слова неврежденное. Что кивоть завѣта? Утробу ея, имѣвшую въ себѣ манну, хлѣбъ небесный, Христа Господа. Что жезль Аароновъ? Что руно Гедоново? Что престоль Соломоновъ? Что храмъ? Что дверь восточная затворенная? Что гора, отъ нея же камень отсѣчеса? Ей, вся сія и иная безчисленная прописанія прообразоваше преблагословенную Дѣву Марію, Бога Слова Матерь, и тайны спасенія нашего въ Ней совершенныя. Не точію же сія вещи бездушныя образъ бяху преблагословенныя дѣвы Маріи, но и многія честныя жены, божественнымъ писаніемъ похваляемыя, ону прообразоваше.

Похваляется Сарра, яко Аврааму покорива баше и господина его нарицаше; но вящшія безъ сравненія похвалы есть достойна пресвятая Богородица, яко Творцу всѣхъ Богу бѣ благожкорна и Господа Его нарицаше, вегда глаголати Ей сія: величить душа моя Господа и возрадовася духъ мой о Бозѣ Спасѣ моемъ, яко призрѣ на смиреніе рабы своея <sup>3)</sup>, и паки: се раба Господня <sup>4)</sup>. Имагъ похвалу Рахиль за красоту лица своего; но безъ сравненія краснѣйшая есть Рахиль, краснѣйшаго всѣхъ сыновъ человѣческихъ рождашая, ея же красоту егда узрѣ святыи Діонисій, тако удивися, даже написати ему сиде: егда къ Богоизбранному лицу высочайшія дѣвы приведенъ быхъ, толь безмѣрное сіяніе облиста мя и совершеннѣе озари внутрь, и толикая во мнѣ всѣхъ благоуханныхъ <sup>5)</sup> произобилова воня, яко ниже тѣло окаянное,

<sup>1)</sup> Въ рук. здѣсь ошибка въ окончаніяхъ, стоитъ: „неравни силою суща“.

<sup>2)</sup> Предлога этого въ рук. нѣтъ.

<sup>3)</sup> Лук. I, 46—48.

<sup>4)</sup> — — 38 ст.

<sup>5)</sup> Вѣрнѣе „благоуханій“.

ниже духъ возможе всего и толикаго блаженства знамень стерпѣти, оскудѣ сердце мое, оскудѣ и духъ, толкимъ величествомъ хвалы побѣжденъ. А женихъ небесный о ея красотѣ сице вѣщааетъ: вся красная еси ближняя моя, и нѣсть порока въ тебѣ <sup>1)</sup>). Хвалима есть премудрая и Авигея, яко заступи словомъ благоувѣтливымъ Навала у Давида; хвалима Теокоитяныня, яко умоли тогожде царя Давида о Авессаломѣ: но пресвятая Богородица вся ны заступаеть у Самаго Царя небеснаго и утоляетъ гнѣвъ Его праведный, движущійся на ны. Похвальна есть Есѣирь, яко заступи у царя Артаксеркса родъ свой отъ козни временныя: а пресвятая Богородица заступаеть вся вѣрныя ради Сына <sup>2)</sup> своего у Царя всѣхъ царей отъ козни вѣчныя. И иныя премногія жены похваляетъ писаніе Божественное за различныя ихъ добродѣтели: но яко всѣхъ ихъ добродѣтели своими добродѣтелями превосходитъ Богородица, тако и похвала ея всѣхъ ихъ похвалы преодолюваетъ: тѣхъ добродѣтели и похвалы суть, яко струя нѣкая, пресвятая же Богородица, яко цѣлое море; отъ всѣхъ яко сѣнь, ея яко свѣтъ; отъ всѣхъ свѣтъ яко денницы, сея паки яко цѣлое солнце и паче, тѣмъ же изряднѣе она именуется жена въ солнце облеченная.

Ея же величеству хвалы и славы дивяся, святыи Германъ патріархъ Царяграда и не могъ объяти ея, сими слово свое словесы заключаетъ: аще пядію смѣрити землю можемъ и вервиемъ море, аще лактями небо содержитсяъ и звѣздъ множество счислитися можетъ; аще капли дождя и толщи земныя, вѣтровъ стремленія и песокъ объемлется: во истину и предлагаемое слово объятися не можетъ, еже есть чудныя селъ дѣвы совершенство.

О, глубина богатства славы! О, вышото чести и достоинства! Кто тя постигнути и изглаголати можетъ? Ей, едако токмо пространнѣйшее небесъ, утробою твоею объятое, Слово объяти и изглаголати довольно.

Мы же дивящеся толикому величеству славы ея, аще и не можемъ довольни быти на похвалу, обаче не умолчимъ никогдаже величати: то бо есть воля Сына ея и Бога, да Ма-

<sup>1)</sup> Пѣснь пѣсней IV, 7.

<sup>2)</sup> Слово „Сына“ въ рукъ пронушено.

терь Его и госпожу нашу на всяко время и на всякомъ мѣстѣ славимъ и величаемъ сердцемъ и устнами, выну ея добродѣтели размышляюще, саму хваляще, моляще и блажаще: да и въ насъ ея оно пророческое исполнится слово: се бо отнынѣ ублажать мя вси роди. Воля есть Сына ея и Бога, да выну благодаримъ ей и величаемъ ю и <sup>1)</sup> проповѣдуемъ: слава бо матерняя слава есть сыновняя; не точію же словомъ должны естмы хвалу ей возсылати, но и дѣломъ: различныя труды во славу ея подъемлюще, честныя образы ея строюще, украшающе и покланяющеса имъ благочестно: храмы во имя ея пресвятое созидающе и утварію исполняюще, и иная тѣмъ подобная дѣла во славу и честь ея творяще, изряднѣе же подражающе житіе пресвятое ея, поелику намъ возможно.

Сей же родъ хвалы есть изряднѣйшій, и въ немъ есть благоволеніе Божіе и пречистыя Богоматере, еже есть, да чистоту хранимъ тѣлесную и душевную, дѣвы дѣвственно, а супрузи якоже подобаетъ въ супружествѣ; да хранимъ вѣру къ Богу и надежду, любовь къ Нему и ко ближнимъ; да хранимъ смиреніе къ Богу, часто глаголюще: се раба рабы твоея <sup>2)</sup> есть и сынъ рабы твоея, якоже и она рече: се раба Господня; купно же и ближняя наша смиренно да почтимъ, другъ друга честію больше себе творяще, вся раздающи нищимъ, да во храмъ Божій выну приходити не лѣнимся, видяще яко она, трилѣтняя дѣвица сущи, вниде въ домъ Господень и не отхождаше отъ него, дондеже обручися Іосифови; подобнѣи во всякихъ иныхъ добродѣянїяхъ, да ея подражатели будемъ. Хотяи же истинный ея подражатель быти, наипаче да блюдется отъ нечистаго житія, то бо зѣло виновно бываетъ не услышанїя молитвъ, проливаемыхъ во время скорби, то всякія спасенныя труды ни во что обращаетъ, и теплыя слезы на землю падати понуждаетъ, а въ небо не доуцаетъ. Искусство о семъ прїятъ единъ юноша, иже, скверно житіе провозжающе, обаче зѣло теплѣ пресвятѣй Богородицѣ молящеса,

<sup>1)</sup> Въ рук. стоитъ «ея», навѣрно по недосмотру переписчика, что весьма возможно, при сходствѣ начертанїя въ рукописи буквы „е“ и „ю“, а также „я“ и „и“.

<sup>2)</sup> Вмѣсто „твоея“.

прилучившеса же ему нѣкое скорби, начать слезы къ слезамъ прилагати и вельми умильно молитися пресвятѣй Богородицѣ о избавленіи отъ тоя скорби. Единоу убо моляся теплѣ, въ тонкій сонъ сведеса и видить свѣтообразную дѣвицу, идущу къ себѣ и показующую ему зѣло въ скверномъ сосудѣ пресладкую пищу; онъ, аще и пища бѣ благая, но за скверность сосуда, не хотѣ пріяти, глаголя: не могу сея пищи во уста моя взяти за скверность сосуда; тогда рече къ нему <sup>1)</sup> свѣтообразная: како убо ты хочещи, да азъ молитву твою пріиму во ушеса моя, отъ сквернаго сердца и всего тѣлесе твоего исходящую: омыйся прежде покаянiемъ и тогда, часто помолвися, будещи услышанъ.

Того ради, братія моя возлюбленная, и наши многажды молитвы презираемы бывають, яко скверны хранимъ сосуды тѣлесе нашего, скверная глаголемъ устами, гнилое слово отъ устъ испущающе и нечистыя хранимъ помышленія. Аще убо кого совѣсть о той сквернѣ обличаетъ, да сокрушится сердцемъ умильно, да омыется теплыми слезами, да очистится истиннымъ покаянiемъ, и тако да дерзаетъ молитися надежно ко Господу Богу и ко пресвятѣй Богородицѣ, и ко всеѣмъ святымъ, часто да приходитъ къ пречистому образу пречистыя Богоматере съ теплою молитвою, и тако всяческихъ просимыхъ не лишится, аще токмо будетъ просити еже подобаетъ. Что же просити достойтъ, се Самъ Христосъ Спаситель наставляетъ: ищите же прежде царствія Божія и правды Его, и сія вся (сирѣчь нужная земная) приложатся вамъ <sup>2)</sup>: яже приложитъ вамъ всещедрая десница Божія, молитвами пресвятыя Богородицы, и да введетъ вы въ царствіе небесное. Аминь.



<sup>1)</sup> Въ рук. вмѣсто „къ нему“ стоитъ „немогу“,—слово, не имѣющее здѣсь мѣста.

<sup>2)</sup> Матѣ. VI. 33.





**Издательство православной  
богословской литературы  
“АКСИОН ЭСТИН”  
(Санкт-Петербург)**

Книги издательства “Аксион эстин” — это православные исследования, удачно сочетающие высокий научно-академический уровень и доступную форму изложения. Они будут интересны и полезны преподавателям и студентам богословских и гуманитарных ВУЗов, православных духовных академий и семинарий, всем верующим, желающим лучше понять христианское вероучение.

**Посетите наш сайт в интернете по адресу:**

[www.axion.org.ru](http://www.axion.org.ru)

**На сайте:**

- подробная информация о новоизданных книгах;
- возможность бесплатной загрузки большого количества электронных книг по богословию, библеистике, патрологии, которые легко читать на компьютере или распечатать на принтере;
- возможность заказать книги для доставки по почте (в том числе и электронные книги, которые высылаются на компакт-дисках).

**Ваши вопросы и пожелания направляйте, пожалуйста, по электронной почте: [info@axion.org.ru](mailto:info@axion.org.ru)**